

INUIT ATAQATIGIIT

Inatsisartuni



14. januar 2018

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

1. Raajaqassutisimik misileraanissaq UKA 2018-imi Inatsisartut ataatsimiinneranni Inatsisartunit akuerineqartoq pillugu Naalakkersuisut qanoq sulinerikkut malitseqartippat?
2. Raajaqassutisimik misileraatitsinissaq raajarniuteqareersunut imaluunniit raajarnianut nutaanut periarfissiissutaassava?
3. Raajarniarnermik inuussutissarsiummut aalisartunik nutaanik pulatitsinissamut inatsit aporfiusoq sorliua?
4. Raajanik misileraatitsinissaq nutaaq ammaanqartoq pillugu Naalakkersuisut aalisartunik misileraasinnaasunik ujartuisimappat?
5. Misileraatitsinissaq nutaaq periarfissaalersoq arlaannik aporfeqarpa?
6. Aporfeqarsimappat aporfiusut qanoq Naalakkersuisuniit aaqiiviginiarneqarpat?
7. Raajaqassutisimik misileraanissaq siunertaralugu qinnuteqartoqarsimava?
8. Aalisarnermut Inatsisissaq pillugu suliaq sumut killippa?
9. Aalisarnermut inatsisissaq qaqugu Inatsisartuni sammineqassava?
10. Aalisarnermut Inatsisissaq pillugu Naalakkersuisut sulinerat sumut killippa?
11. Aalisarnermut Inatsisissaq pillugu suliaq paamaarunneqarnera sumik patsiseqarpa?
12. Avannaani Upernaviup aqutsiveqarfiani qassusersorluni qalerallinniaritsisarnerup piffissaata siusinnerusukkut aallartitalernissaa imaluunniit piffissaata sivitsorneqarnissaa Naalakkersuisut ammaffigaat?
13. Upernaviup aqutsiveqarfiani ukiumut qalerallitassat tamakkerlugit pisarineqanngitsoortartut tamakkerlugit pisarineqartalernissaat siunertaralugu Naalakkersuisut qanoq iliuuseqarpat?

(Inatsisartuni ilaasortaq Aqqaluaq B. Egede , Inuit Ataqatigiit)

Tunngavilersuut:

Apeqquutit nassiussakka Inatsisartuni sulinermi paasissutissanik amigaateqarnera tunngaviuvoq. Naalakkersuisut akissuteqaatissaasa sulianik aalajangersimasunik qanoq ingerlatseqqinnissamut tunngavissanik amigaateqarnera matumuuna iliuuseqarfigaara.

Neriullunga Naalakkersuisut apeqquutit pingaarutillit ullut qulit qaangiutsinnagit akissuteqarfigissagaat.